

Lembaran Pendedahan Produk

(Baca Lembaran Pendedahan Produk ini sebelum Anda membuat keputusan untuk membeli Polisi Skim Insurans Pembantu Rumah Asing (DSIS). Pastikan juga Anda telah membaca terma-terma dan syarat-syarat am di dalam kontrak polisi ("Kontrak Polisi").

Disediakan untuk: _____ Tarikh Cetakan: _____

Penyedia Khidmat Kewangan	: Allianz General Insurance Company (Malaysia) Berhad ("Allianz"/"Kami")
Nama Produk	: Skim Insurans Pembantu Rumah Asing (DSIS) ("Polisi")

1. Apakah produk ini?

Majikan yang menggaji pekerja asing mestilah mematuhi keperluan berkanun Di Bawah Seksyen 26(2) Akta Pindaan 1996 Akta Pampasan Pekerja 1952 untuk membeli insurans ini untuk melindungi pembantu rumah asing.

2. Apakah perlindungan/manfaat yang disediakan?

Polisi ini menanggung rugi anda di bawah Akta berkenaan dengan pampasan bagi kecederaan semasa waktu dan di luar waktu bekerja yang dialami oleh pembantu rumah asing anda.

Manfaat	Jumlah Yang Diinsuranskan
Insurans Kemalangan Diri <ul style="list-style-type: none"> Kematian akibat Kemalangan & Hilang Upaya Kekal Belanja Perubatan (Ekses RM 50.00) 	RM 25,000 RM 1,000
Kos Repatriasi	Sehingga RM 5,000
Kemasukan ke Hospital & Pembedahan	Sehingga RM 3,000
Faedah Mingguan (maksimum 15 minggu)	RM 105 seminggu

Tempoh perlindungan adalah untuk satu (1) tahun. Anda perlu memperbaharui perlindungan anda setiap tahun.

3. Berapakah premium yang saya perlu bayar ?

Jenis	Amount (RM)
1 tahun	63.00
2 tahun	126.00

Jumlah premium yang anda perlu bayar adalah berbeza-beza bergantung kepada bilangan tahun (1 tahun atau 2 tahun).

4. Apakah yuran dan bayaran yang saya perlu bayar?

Jenis	Amount
Komisen dibayar kepada pengantara insurans (jika ada)	25% daripada premium
Duti Setem	RM10

5. Apakah terma dan syarat utama yang saya harus ketahui?

(a) Kepentingan Pendedahan

- Kontrak Insurans Pengguna**

Menurut Perenggan 5 Jadual 9 di bawah Akta Perkhidmatan Kewangan 2013, sekiranya Anda memohon insurans ini sepenuhnya bagi **tujuan yang tidak berkaitan dengan perdagangan, perniagaan atau profesion Anda**, Anda mempunyai kewajipan mengambil penjagaan munasabah supaya tidak membuat salah nyataan semasa menjawab soalan-soalan di dalam borang cadangan dan/atau semua soalan-soalan yang dikehendaki oleh Allianz dengan penuh dan tepat dan mendedahkan apa-apa perkara lain yang Anda ketahui berkaitan dengan keputusan Kami dalam menerima risiko dan dalam menentukan kadar dan terma yang hendak dipakai, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

- Kontrak Insurans Bukan Pengguna**

Menurut Perenggan 4(1) Jadual 9 di bawah Akta Perkhidmatan Kewangan 2013, sekiranya Anda memohon Insurans bagi **tujuan berkaitan dengan perdagangan, perniagaan atau profesion Anda**, Anda mempunyai kewajipan untuk mendedahkan apa-apa perkara yang Anda ketahui sebagai berkaitan dengan keputusan Kami dalam menerima risiko dan dalam menentukan kadar dan terma yang hendak dipakai dan apa-apa perkara yang seorang yang munasabah dalam

hal keadaan itu boleh dijangka untuk tahu sebagai berkaitan, jika sebaliknya ini boleh menyebabkan kontrak terbatal, penolakan atau pengurangan tuntutan, penukaran terma atau penamatan kontrak.

Kewajipan pendedahan ini bagi Kontrak Insurans Pengguna dan Bukan Pengguna akan berterusan sehingga masa kontrak tersebut dibuat, diubah atau diperbaharui. Anda juga mempunyai kewajipan memaklumkan kepada Kami dengan segera sekiranya pada bila-bila masa, selepas kontrak insurans dibuat, diubah atau diperbaharui dengan pihak Kami, sebarang maklumat yang diberikan adalah tidak tepat atau telah berubah.

- (b) Anda perlu memastikan bahawa butir-butir mengenai pekerja asing anda lengkap dan betul.
- (c) Tunai sebelum perlindungan bermula – Premium insurans yang perlu dibayar dan diterima oleh Allianz/ejen yang diberi kuasa dalam tempoh empat belas (14) hari dari tarikh bermulanya polisi. Jika syarat ini tidak dipatuhi polisi ini akan terbatal secara automatik dan Allianz berhak mendapat sebahagian premium secara pro-rata selama tempoh risiko ditanggung.
- (d) Kelayakan – - Polisi ini adalah layak kepada majikan yang menggaji pembantu rumah warganegara asing secara sepenuh masa, yang berumur daripada lapan belas (18) tahun sehingga enam puluh lima (65) tahun

6. Apakah pengecualian utama di bawah Polisi ini?

Polisi ini tidak melindungi:

- (a) Liabiliti common law
- (b) Peperangan, keganasan dan perang saudara
- (c) Sebarang tindakan menyalahi undang-undang oleh Orang Berinsurans itu ataupun sengaja mendedahkan diri kepada bahaya (selain percubaan untuk menyelamatkan nyawa orang lain), membunuh diri atau percubaan untuk membunuh diri atau sengaja mencederakan diri sendiri atau tidak siaman.
- (d) Melakukan penerbangan atau perjalanan dengan pesawat kecuali sebagai penumpang yang membayar tambang dalam pesawat komersial mengikut laluan yang dijadualkan
- (e) Pengaruh alkohol atau dadah yang bukan dipreskripsikan oleh pegawai perubatan yang berkelayakan
- (f) Aktiviti sukan yang merbahaya seperti mendaki gunung, menyelam, lumba motor dan lain-lain

Nota: Senarai ini tidak lengkap. Sila rujuk pada Kontrak Polisi bagi senarai penuh pengecualian di dalam Polisi ini.

7. Bolehkah saya batalkan Polisi ini?

Ya, polisi ini boleh dibatalkan dan premium akan dikembalikan secara pro-rata.

8. Apakah yang harus saya lakukan jika terdapat perubahan dalam butiran peribadi saya?

Adalah penting untuk Anda memaklumkan kepada pihak Kami tentang sebarang perubahan dalam alamat dan butiran peribadi Anda untuk memastikan bahawa semua surat-menyurat sampai kepada Anda tepat pada masanya. Anda boleh memberitahu kepada ejen berdaftar, cawangan atau khidmat pelanggan Kami.

9. Bagaimanakah cara untuk saya membuat tuntutan?

Anda boleh melawati allianz.com.my untuk maklumat lebih lanjut. Anda dinasihatkan untuk menghantar tuntutan Anda (jika ada) kepada Kami secepat mungkin.

10. Di manakah saya boleh dapatkan maklumat dengan lebih terperinci?

Sekiranya Anda memerlukan maklumat tambahan mengenai produk ini, sila rujuk laman web Kami di allianz.com.my.

Untuk sebarang pertanyaan, hubungi Kami di:

Pusat Khidmat Pelanggan Allianz

Allianz Arena



Ground Floor, Block 2A, Plaza Sentral

Jalan Stesen Sentral 5, Kuala Lumpur Sentral

50470 Kuala Lumpur.

Pusat Hubungan Pelanggan Allianz: 1 300 22 5542

Emel: customer.service@allianz.com.my

  AllianzMalaysia

 allianz.com.my

11. Lain-lain jenis perlindungan Kemalangan Diri yang boleh didapati:

- (a) Jaminan Insurans Pekerja Asing (FWIG)
- (b) Skim Kemasukan Hospital dan Pembedahan Pekerja Asing (SKHPPA)
- (c) Pekerja Asing – Perlindungan Tambahan (FWPLUS)



Allianz General Insurance Company (Malaysia) Berhad (200601015674)

(Berlesen di bawah Akta Perkhidmatan Kewangan 2013 dan dikawal oleh Bank Negara Malaysia)

Nota Penting:

Anda perlu membaca dan memahami polisi insurans ini dan berbincang dengan ejen atau hubungi syarikat insurans untuk maklumat lanjut.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Allianz General Insurance Company (Malaysia) Berhad atau PIDM (layari www.pidm.gov.my).

Informasi yang disediakan dalam lembaran pendedahan ini adalah sah bermula 01/06/2024.